

OTU P 02-11-


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu društvenih djelatnosti,
pitanja boraca i opću upravu

Broj: 04-11-1696/26

Datum: 21.08.2026. godine



STRUČNA SLUŽBA GRADONAČELNICE

PREDMET: Nacrt Odluke o stipendijama, nagradama posebno nadarenim studentima „Alen Mehmedović“ i nagradama učenicima generacije osnovnih i srednjih škola Grada Zavidovići, dostavlja se.

U prilogu ovog akta dostavljamo Vam nacrt Odluke o stipendijama, nagradama posebno nadarenim studentima „Alen Mehmedović“ i nagradama učenicima generacije osnovnih i srednjih škola Grada Zavidovići

S poštovanjem,



PO RJEŠENJU GRADONAČELNICE,
broj: 02-04-1190/26-AP-8 od 03.08. 2026. godine,
Viši stručni saradnik za ruralni razvoj

Amir Mahmutović, dipl. ecc.

Dostavljeno:

1. Naslovu,
2. U spis.

Akt pripremila: Nadina Mehinagić, dipl. pravnik



Broj: _____/26-AP
Datum: _____2026. godine

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 25. i 105. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Gradsko vijeće Grada Zavidovići, na ____ sjednici održanoj dana _____2026. godine, donosi

O D L U K A

o stipendijama, nagradama posebno nadarenim studentima „Alen Mehmedović“ i nagradama učenicima generacije osnovnih i srednjih škola Grada Zavidovići

I – OPĆE ODREDBE

Član 1. (Predmet odluke)

Ovom Odlukom uređuju se:

- a) uslovi, kriteriji i postupak dodjele stipendija studentima,
- b) uslovi, kriteriji i postupak dodjele novčanih sredstava posebno nadarenim studentima,
- c) uslovi i način dodjele novčanih nagrada učenicima generacije osnovnih i srednjih škola sa područja Grada Zavidovići,
- d) prava i obaveze korisnika sredstava, način finansiranja i druga pitanja od značaja za provođenje odluke.

Član 2. (Cilj Odluke)

Cilj ove Odluke je podsticanje izvrsnosti u obrazovanju, unapređenje studentskog standarda, motivisanje učenika i studenata za postizanje vrhunskih rezultata, te afirmacija znanja kao temelja razvoja lokalne zajednice.

Član 3. (Sredstva)

Sredstva za realizaciju ove Odluke obezbjeđuju se u Budžetu Grada Zavidovići za tekuću budžetsku godinu.

II – STUDENTSKE STIPENDIJE

Član 4. (Korisnici)

- Pravo na stipendiju mogu ostvariti redovni studenti prvog i drugog ciklusa studija koji:
- a) imaju prebivalište na području Grada Zavidovići najmanje godinu dana prije podnošenja prijave,
 - b) redovni studenti prvi put upisuju akademsku godinu,
 - c) ne obnavljaju godinu studija,
 - d) nisu korisnici druge stipendije finansirane iz javnih sredstava.

Član 5.
(Kriteriji)

Kriteriji za dodjelu stipendija naročito obuhvataju:

- a) prosjek ocjena,
- b) godina studija,
- c) osvojene nagrade i priznanja,
- d) socijalno-ekonomski status,
- e) status djece šehida i poginulih boraca,
- f) invaliditet,
- g) učešće na naučnim, stručnim i međunarodnim takmičenjima,
- h) druge okolnosti utvrđene javnim konkursom.

Član 6.
(Javni konkurs)

(1) Dodjela stipendija vrši se putem javnog konkursa koji raspisuje Služba za upravu društvenih djelatnosti, pitanja boraca i opću upravu Grada Zavidovići.

(2) Konkurs se objavljuje:

- a) na službenoj web stranici Grada,
- b) oglasnoj ploči Grada,
- c) drugim sredstvima javnog informisanja.

(3) Konkurs sadrži:

- a) uslove i kriterije;
- b) potrebnu dokumentaciju;
- c) rok za podnošenje prijave;
- d) način bodovanja,
- e) pravo na prigovor na preliminarnu listu studenata u roku od 8 dana od dana objave preliminarne liste studenata i druga pitanja od značaja za provođenje postupka.

III – NAGRADE POSEBNO NADARENIM STUDENTIMA

Član 7.
(Pravo na nagradu)

Pravo na novčanu nagradu mogu ostvariti studenti koji su u predhodnoj akademskoj godini ostvarili izuzetne rezultate, naročito:

- a) prosjek ocjena najmanje 9,50 odnosno ekvivalent prema ECTS sistemu 4,75,
- b) osvojena prva tri mjesta na državnim ili međunarodnim takmičenjima,
- c) objavljene naučne ili stručne radove,

d) druge rezultate kojima su afirmisali Grad Zavidovići.

Član 8.
(Vrsta nagrade)

- (1) Posebna nagrada može biti:
 - a) novačana nagrada,
 - b) priznanje Grada.
- (2) Visinu novčane nagrade utvrđuje Gradonačelnica u skladu sa sredstvima planiranim Budžetom Grada Zavidovići.

IV – NAGRADE UČENICIMA GENERACIJE

Član 9.
(Korisnici)

Pravo na novčanu nagradu imaju učenici koji su odlukom školskog odbora proglašeni učenicima generacije u osnovnim i srednjim školama sa područja Grada Zavidovići.

Član 10.
(Način dodjele)

- Novčana nagrada dodjeljuje se jednom godišnje, nakon dostavljanja:
- a) odluke školskog odbora,
 - b) potvrde škole,
 - c) broja transakcijskog računa učenika ili roditelja/staratelja za maloljetne učenike.

Član 11.
(Priznanje)

Pored novčane nagrade, učenicima generacije može se uručiti zahvalnica ili posebno priznanje Grada Zavidovići na svečanom prijemu.

V – POSTUPAK I NADLEŽNOST

Član 12.
(Komisija)

- (1) Postupak provođenja postupka dodjele stipendija i nagrada vrši Komisija koju imenuje Gradonačelnica.
- (2) Komisija:
 - a) pregleda prijave,
 - b) vrši bodovanje
 - c) sačinjava preliminarnu i konačnu rang-listu.

Član 13.
(Prigovor)

(1) Na preliminarnu rang-listu može se izjaviti prigovor u roku od osam dana od dana objavljivanja liste.

(2) O prigovoru odlučuje Gradonačelnica.

VI – ZAVRŠNE ODREDBE

Član 14.

(Podzakonski akti)

Gradonačelnica će u roku od 60 dana od stupanja na snagu ove Odluke donijeti Pravilnik kojim će detaljnije urediti:

- a) način bodovanja,
- b) obrasce prijava,
- c) potrebnu dokumentaciju,
- d) rad Komisije,
- e) postupak isplate,
- f) visinu stipendija i nagrada u skladu sa Budžetom.

Član 15.

(Stupanje na snagu)

(1) Stupanjem na snagu ove Odluke prestaju da važe raniji akti koji uređuju ovu oblast, ukoliko su u suprotnosti sa ovom Odlukom.

(2) Ova Odluka stupa na snagu osmog dana od dana objavljivanja u Službenom glasniku Grada Zavidovići.

PREDSJEDAVAJUĆI
GRADSKOG VIJEĆA

Amira dr. Hadžić, spec.radiolog

O B R A Z L O Ž E N J E

I. USTAVNOPRAVNI I ZAKONSKI OSNOV ZA UVOĐENJE ODLUKE

Pravni osnov za donošenje ove Odluke sadržan je u odredbama Zakona o principima lokalne samouprave u Federaciji Bosne i Hercegovine, kojima je propisano da jedinice lokalne samouprave u okviru svojih nadležnosti uređuju pitanja od lokalnog značaja i donose opće akte radi ostvarivanja prava i interesa građana.

Pravni osnov sadržan je i u članu 25. Statuta u kome su razrađene nadležnosti Gradskog vijeća u okviru samoupravnog djelokruga rada Grada, kojim je propisano da Gradsko vijeće donosi opće akte iz nadležnosti lokalne samouprave, kao i da uređuje način ostvarivanja javnog interesa u oblasti obrazovanja, društvenih djelatnosti i razvoja ljudskih potencijala. Jedinice lokalne samouprave imaju pravo planirati i realizovati budžetska sredstva za podršku stanovništvu, u skladu sa zakonima Federacije BiH.

II. RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Grad Zavidovići dugi niz godina iz Budžeta izdvaja sredstva za stipendiranje studenata, nagrađivanje posebno nadarenih studenata i dodjelu nagrada učenicima generacije osnovnih i srednjih škola.

Postojeća praksa pokazala je potrebu da se ova oblast uredi jedinstvenim općim aktom kojim će se jasno propisati:

- korisnici prava;
- uslovi i kriteriji za ostvarivanje prava;
- postupak dodjele stipendija i nagrada;
- način raspisivanja javnog konkursa;
- nadležnosti Komisije;
- prava i obaveze korisnika sredstava.

Donošenjem jedinstvene odluke postiže se veća transparentnost, pravna sigurnost i jednak tretman svih kandidata, uz istovremeno pojednostavljenje postupka provođenja javnih konkursa.

Posebna pažnja posvećena je podsticanju akademske izvrsnosti kroz nagrađivanje posebno nadarenih studenata, kao i afirmacija učenika koji su tokom osnovnog i srednjeg obrazovanja ostvarili izuzetne rezultate i stekli priznanje učenika generacije.

Na ovaj način Grad Zavidovići potvrđuje opredjeljenost za ulaganje u obrazovanje, razvoj mladih i stvaranje uslova za ostatak obrazovanih kadrova u lokalnoj zajednici.

III. OBRAZLOŽENJE POJEDINIH ODREDBI

Članovima 1. do 3. utvrđen je predmet Odluke, ciljevi i način finansiranja.

Članovima 4. do 6. uređeni su uslovi za ostvarivanje prava na studentsku stipendiju, osnovni kriteriji za bodovanje kandidata i postupak provođenja javnog konkursa.

Članovima 7. i 8. propisani su uslovi za dodjelu novčanih nagrada posebno nadarenim studentima, s ciljem afirmacije izuzetnih akademskih i naučnih rezultata.

Članovima 9. do 11. uređena je dodjela novčanih nagrada učenicima generacije osnovnih i srednjih škola kao vid priznanja za ostvarene rezultate tokom školovanja.

Čalnovima 12. I 13. Propisan je postupak rada Komisije, način utvrđivanja rang liste i pravo na prigovor radi zaštite prava učesnika postupka.

Završnim odredbama uređeno je donošenje podzakonskog akta i stupanje Odluke na snagu.

IV. FINANSIJSKI EFEKTI


Za realizaciju ove Odluke sredstva će se obezbijediti u Budžetu Grada Zavidovići za svaku budžetsku godinu na budžetskoj poziciji namijenjenoj stipendijama i nagradama učenicima i studentima.

Broj stipendija, visina stipendija i iznos pojedinačnih novčanih nagrada utvrđivat će se u skladu sa raspoloživim budžetskim sredstvima.

Donošenje ove Odluke ne stvara dodatne finasijske obaveze izvan sredstava planiranih Budžetom Grada Zavidovići.

GRADONAČELNICA

mr.iur.Erna Merdić Smailhodžić

Akt pripremila: 
Nadina Mehinagić

Akt pregledao: 
Amir Mahmutović

Akt pregledao: 
Nermin Čahtarević